



FEDERATA E BASKETBOLLIT TË KOSOVËS  
KOSOVO BASKETBALL FEDERATION  
KOŠARKAŠKI SAVEZ KOSOVA

Federata e Basketbollit  
të Kosovës

+383 49 738 080  
federata@basketbolli.com

Lagjia "Arbëria"  
Blloku C3, Nr.83  
Str: Radovan Zogovic  
10 000 Prishtina

# PROPOZICIONET E GARAVE TË LIGAVE TË KATEGORIVE TË REJA

*edicioni 2026/27*



## PËRMBAJTJA

|                                                                                           |           |
|-------------------------------------------------------------------------------------------|-----------|
| <b>Neni 1. Dispozitat Themelore .....</b>                                                 | <b>4</b>  |
| <b>Neni 2. Komesari i Garave, Aktet normative .....</b>                                   | <b>4</b>  |
| <b>Neni 3. Dokumentet si shtojcë e këtyre Propozicioneve .....</b>                        | <b>4</b>  |
| <b>Neni 4. Sistemi i Garave .....</b>                                                     | <b>5</b>  |
| 1. LIGA U18 Lindje - Perëndim (2009-2010).....                                            | 5         |
| 2. LIGA U16 Lindje - Perëndim (2011-2012).....                                            | 5         |
| 3. LIGA U14 Lindje - Perëndim (2013-2014) .....                                           | 5         |
| 4. LIGA U18 Vajzat (2009-2010).....                                                       | 6         |
| 5. LIGA U16 Vajzat Lindje - Perëndim (2011-2012) .....                                    | 6         |
| 6. LIGA U12 Lindje - Perëndim (2015-2016).....                                            | 6         |
| 7. Dënimet lidhur me sistemin e garave .....                                              | 7         |
| <b>NENI 5. Kupa E Kosovës.....</b>                                                        | <b>7</b>  |
| <b>Neni 6. Kalendar i Garave .....</b>                                                    | <b>7</b>  |
| <b>Neni 7. Numri i skuadrave pjesëmarrëse .....</b>                                       | <b>7</b>  |
| <b>Neni 8. Tërheqja e shortit .....</b>                                                   | <b>8</b>  |
| <b>Neni 9. Palestrat dhe terminet për zhvillimin e ndeshjeve .....</b>                    | <b>8</b>  |
| <b>Neni 10. Shtyrja e ndeshjes .....</b>                                                  | <b>9</b>  |
| <b>Neni 11. Regjistrimi i lojtarëve-eve, e drejta për të luajtur .....</b>                | <b>10</b> |
| <b>Neni 12. Lojtarët-et, pajisja.....</b>                                                 | <b>10</b> |
| <b>Neni 13. Trajnerët .....</b>                                                           | <b>11</b> |
| <b>Neni 14. Personat zyrtarë të ekipit .....</b>                                          | <b>12</b> |
| <b>Neni 15. E drejta në dhënien e deklaratave dhe komentimi i ndarjes së drejtësisë .</b> | <b>13</b> |
| <b>Neni 16. Ekipi vendës/organizatori dhe normat teknike .....</b>                        | <b>13</b> |
| <b>Neni 17. Fillimi i ndeshjes .....</b>                                                  | <b>15</b> |
| <b>Neni 18. Rrjedha e ndeshjes .....</b>                                                  | <b>15</b> |



|                                                                                      |           |
|--------------------------------------------------------------------------------------|-----------|
| <b>Neni 19. Shpallja e rezultatit përfundimtar të ndeshjes .....</b>                 | <b>15</b> |
| <b>Neni 20. Raporti i vëzhguesit - Protokolli .....</b>                              | <b>16</b> |
| <b>Neni 21. Vëzhguesi .....</b>                                                      | <b>16</b> |
| <b>Neni 22. Gjyqtarët.....</b>                                                       | <b>16</b> |
| <b>Neni 23. Gjyqtarët ndihmës.....</b>                                               | <b>17</b> |
| <b>NENI 24. Ankesa në ndeshje .....</b>                                              | <b>18</b> |
| <b>Neni 25. Ankesa në vendimin e Komesarit të Garave .....</b>                       | <b>19</b> |
| <b>NENI 26. Regjistrimi i ndeshjeve .....</b>                                        | <b>19</b> |
| <b>NENI 27. Ndarja e pikëve dhe plasmani i ekipeve .....</b>                         | <b>20</b> |
| <b>Neni 28. Obligimet financiare.....</b>                                            | <b>20</b> |
| <b>Neni 29. Shkeljet dhe dënimet .....</b>                                           | <b>20</b> |
| <b>NENI 30. Shqiptimi i dënimeve.....</b>                                            | <b>24</b> |
| <b>Neni 31. Dënimi ndalesë e prezencës së shikuesve .....</b>                        | <b>25</b> |
| <b>Neni 32. Respektimi dhe zbatimi i Politikës së Mbrojtjes (Safeguarding) .....</b> | <b>25</b> |
| <b>Neni 33. Dispozitat përfundimtare .....</b>                                       | <b>26</b> |



Bordi i Federatës së Basketbollit të Kosovës, më 02.09.2026, konform nenit 24, alineja 1.1.3 të Statutit të FBK-së dhe me propozim të Komesarit të Garave për Kategoritë e Reja, miraton:

## PROPOZICIONET E GARAVE TË LIGAVE TË KATEGORIVE TË REJA PËR EDICIONIN GARUES 2026/27

### NENI 1. DISPOZITAT THEMELORE

1. Këto Propozicione rregullojnë në mënyrë unike marrëdhëniet ndërmjet gjithë pjesëmarrësve në sistemin e garave nën organizim të Federatës së Basketbollit të Kosovës (FBK-së).
2. Të gjitha garat zhvillohen nën autorizimin e Bordit të FBK-së.
3. Të gjitha klubet pjesëmarrëse në sistemin e garave janë të obliguara t'i lexojnë këto propozicione dhe të bashkëpunojnë me të gjitha organet e FBK-së. Asnjë klub pjesëmarrës në garat e organizuara nga ana e FBK-së nuk guxon nën asnjë rrethanë:
  - 3.1. Që të refuzojë ndeshjen apo të lëshojë fushën e lojës pa përfunduar ndeshja;
  - 3.2. Që të refuzojë pjesëmarrjen, apo të lëshojë - braktisë, ceremoninë e hapjes, mbylljes apo ceremoninë e shpalljes së fituesit dhe ndarjes së medaljeve dhe dhuratave;
  - 3.3. Që të sillt në mënyrë jo-korrekte dhe ofenduese me çka do të ndikojë në zhvillimin normal të garave, funksionet zyrtare të garave apo ceremonive.
4. Na rast të shkeljes së këtyre dispozitave, Komesari i Garave për Kategoritë e Reja merr vendim për suspendim të menjëhershëm të klubit apo individit deri në marrjen e vendimit nga ana e Komisionit Disiplinor të FBK-së.

### NENI 2. KOMESARI I GARAVE, AKTET NORMATIVE

1. Organi themelor, i cili udhëheq me garat e kategorive të reja është Komesari i Garave për Kategoritë e Reja i FBK-së (*tash e tutje: Komesari i Garave*), të cilin e emëron Bordi i FBK-së.
2. Duke i udhëhequr garat, Komesari i Garave do t'i zbatojë këto Propozicione dhe aktet tjera normative të FBK-së si dhe aktet e FIBA-s.

### NENI 3. DOKUMENTET SI SHTOJCË E KËTYRE PROPOZICIONEVE

1. Për çdo edicion garues publikohen shtojcat e këtyre Propozicioneve të cilat përmbajnë:
  - 1.1. Kalendar i Garave për të gjitha ligat, i cili përcakton klubet pjesëmarrëse dhe orarin e ndeshjeve pas hedhjes së shortit;
  - 1.2. Lista e gjyqtarëve; Lista e vëzhguesve; dhe
  - 1.3. Lartësia e taksës, mëditjes dhe rrugës për kryerjen e funksionit të gjyqtarëve, vëzhguesve dhe gjyqtarëve ndihmës.



## NENI 4. SISTEMI I GARAVE

Sistemin e garave dhe mënyrën e plotësimit të ligave e miraton Bordi i FBK-së. Në edicionin garues 2026/2027 garat e kategorive të reja do zhvillohen si në vijim:

### 1. LIGA U18 Lindje - Perëndim (2009-2010)

**1.1.** Liga U18 Lindje-Perëndim zhvillohet me sistem të dyfishtë vajtje-ardhje.

**1.2.** Pas kampionatit të rregullt në gjysmëfinale të play-off- it do të ndeshen 1 Lindje me 2 Perëndim, dhe 1 Perëndim me 2 Lindje deri në dy fitore, maksimumi deri në 3 ndeshje. Epërsia e terrenit në ndeshjet e finales përcaktohet me short dhe Kampion i U18 Liga do të shpallet ekipi i cili arrin i pari 3 fitore nga maksimumi 5 ndeshjet e zhvilluara.

### 2. LIGA U16 Lindje - Perëndim (2011-2012)

**2.1.** Liga U16 zhvillohet me sistem të dyfishtë vajtje-ardhje.

**2.2.** Pas kampionatit të rregullt në gjysmëfinale të play-off- it do të ndeshen 1 Lindje me 2 Perëndim, dhe 1 Perëndim me 2 Lindje deri në dy fitore, maksimumi deri në 3 ndeshje. Epërsia e terrenit në ndeshjet e finales përcaktohet me short dhe Kampion i U16 Liga do të shpallet ekipi i cili arrin i pari 3 fitore nga maksimumi 5 ndeshjet e zhvilluara.

### 3. LIGA U14 Lindje - Perëndim (2013-2014)

**3.1.** Liga U14 zhvillohet me sistem të dyfishtë vajtje-ardhje.

**3.2.** Pas kampionatit të rregullt në gjysmëfinale të play-off- it do të ndeshen 1 Lindje me 2 Perëndim, dhe 1 Perëndim me 2 Lindje deri në dy fitore, maksimumi deri në 3 ndeshje. Epërsia e terrenit në ndeshjet e finales përcaktohet me short dhe Kampion i U14 Liga do të shpallet ekipi i cili arrin i pari 3 fitore nga maksimumi 5 ndeshjet e zhvilluara.

**3.3.** Në Ligën U14 ndeshjet do të luhen 4 x 10 minuta dhe nuk lejohet asnjë lloj mbrojtje zonale në gjysmëfushë apo në tërë fushën. Në rastin e parë trajnerit do t'i tërhiqet vërejtja, kurse rastin e parë të përsëritjes sanksionimi do të jetë GT (C), një gjuajtje e lirë dhe pronësia e topit.

**3.4.** Liga U14 luhet sipas këtyre rregullave:

- (a)** Në çerekun e parë (Q1), pesë (5) lojtarë do të luajnë gjatë gjithë çerekut;
- (b)** Në çerekun e dytë (Q2), pesë (5) lojtarë të tjerë (të cilët nuk kanë luajtur në Q1) do të luajnë gjatë gjithë çerekut;
- (c)** Në çerekun e tretë (Q3) dhe çerekun e katërt (Q4), trajneri ka të drejtë të bëjë rotacion të lirë të lojtarëve;
- (d)** Në rast se ekipi paraqitet me më shumë se 10 lojtarë, lojtarët e mbetur duhet të aktivizohen detyrimisht gjatë Q3 dhe/ose Q4.

Rrjedhimisht, çdo lojtar i paraqitur në ndeshje duhet të luajë minimum 10 minuta efektive gjatë ndeshjes.



Qëllimi i këtij rregulli është të garantojë pjesëmarrjen dhe zhvillimin e të gjithë lojtarëve në kategorinë U14, duke ruajtur njëkohësisht karakterin konkurrues të ndeshjes.

#### 4. LIGA U18 Vajzat (2009-2010)

**4.1.** Liga U18 Vajzat zhvillohet me sistem të dyfishtë vajtje-ardhje.

**4.2.** Pas kampionatit të rregullt në play-off do të ndeshen 1-4 dhe 2-3 deri në 2 fitore. Kampioni i U18 (F) do të shpallet ekipi i cili arrin 3 fitore nga maksimumi 5 ndeshje të zhvilluara.

#### 5. LIGA U16 Vajzat Lindje - Perëndim (2011-2012)

**5.1.** Liga U16 Vajzat zhvillohet me sistem të dyfishtë vajtje-ardhje.

**5.2.** Pas kampionatit të rregullt në gjysmëfinale të play-off- it do të ndeshen 1 Lindje me 2 Perëndim, dhe 1 Perëndim me 2 Lindje deri në dy fitore, maksimumi deri në 3 ndeshje. Epërsia e terrenit në ndeshjet e finales përcaktohet me short dhe Kampion i U16 Liga do të shpallet ekipi i cili arrin i pari 3 fitore nga maksimumi 5 ndeshjet e zhvilluara.

**5.3.** Nuk lejohet mbrojtje zonale dhe çfarëdo mbrojtje e kombinuar njeri/zonë.

#### 6. LIGA U12 Lindje - Perëndim (2015-2016)

**6.1.** Liga U12 Lindje-Perëndim zhvillohet me sistem të dyfishtë vajtje-ardhje.

**6.2.** Në Ligën U12 nuk llogaritet rezultati i ndeshjes dhe nuk mbahet tabelë e renditjes.

**6.3.** Në Ligën U12 ndeshjet do të luhen 4 x 10 minuta dhe **nuk lejohet:**

- **asnjë lloj mbrojtje zonale në gjysmëfushë apo në tërë fushën.**
- **luajtja e pick and roll dhe hand-offit.**

Në rastin e parë trajnerit do t'i tërhiqet vërejtja, kurse rastin e parë të përsëritjes sanksionimi do të jetë GT (C) një gjuajtje e lirë dhe pronësia e topit.

#### 6.4. Në ligën U12 vlejné edhe këto rregulla:

- Në çerekun e parë: 5 lojtarë/e + 1
- Në çerekun e dytë: 5 lojtarë/e tjerë + 1
- Çerekun e tretë dhe të katërt: të gjithë lojtarët/et mund të luajnë/inkuadrohen.
- Në rast se ekipi përbëhet nga 11 (njëmbëdhjetë) lojtarë/e, ekipi mund të luaj me 5 lojtarë/e + 1 ndërrim në çerekun e parë dhe me vetë 5 lojtarë/e (pa ndërrim) në çerekun e dytë (apo anasjelltas).
- Pesë minuta para fillimit të ndeshjes trajnerët duhet gjyqtarit ndihmës tua japin listën e lojtarëve/eve për dy çerekët e parë, skuadra është e obliguar që në secilën ndeshje duhet të luaj me së paku 10 lojtarë/e, e më së shumti me 12 lojtarë/e.



## 7. Dënimet lidhur me sistemin e garave

**7.1.** Tek të gjitha kategoritë, në rast se ekipi vjen me më pak se 10 lojtarë/e, klubi/shkolla do të dënohet me 50 euro herën e parë dhe 200 euro herën e dytë. Në rast se kjo shkelje përsëritet për herë të tretë, ekipi largohet nga gara.

**7.2.** Në Ligën U14 Djemtë, në rast se ekipi nuk i përmbahet rregullave lidhur me rotacionin e lojtarëve, ndeshja regjistrohet me rezultat zyrtar 20:00. Ndërkaq, në Ligën U12, në rast se ekipi nuk i përmbahet rregullave lidhur me rotacionin e lojtarëve, ekipi do dënohet me 100EUR.

## NENI 5. KUPA E KOSOVËS

**1.** Për kategoritë U14, U16 dhe U18 në të dy konkurrencat (vajza & djem), sistemi i garave të Kupës zhvillohet në formatin e Final 4, pas përfundimit të edicionit të rregullt dhe atë si në vijim:

- Ekipi i renditur në vendin e parë në Grupin Lindje luan kundër ekipit të renditur në vendin e dytë në Grupin Perëndim (Lindje 1 me Perëndim 2);
- Ekipi i renditur në vendin e parë në Grupin Perëndim luan kundër ekipit të renditur në vendin e dytë në Grupin Lindje (Perëndim 1 me Lindje 2).

**2.** Fituesit e këtyre ndeshjeve kualifikohen në finalen e Kupës, e cila zhvillohet në një ndeshje të vetme.

**3.** Vendi dhe data e zhvillimit të finales përcaktohen nga organet e FBK-së.

## NENI 6. KALENDARI I GARAVE

**1.** Kalendarin e garave, ndryshimet dhe plotësimet në të gjitha nivelet i përcakton Bordi i FBK-së me Propozim të Komesarit të Garave.

**2.** Kalendarin e Garave nuk mund të ndryshohet përveç nëse është në interes të përzgjedhjeve nacionale apo në rast të pjesëmarrjes së ekipeve në nivel më të lartë të garave - që gjithashtu është me interes të veçantë.

## NENI 7. NUMRI I SKUADRAVE PJESËMARRËSE

**1.** Numri i skuadrave në liga veç e veç si dhe e drejta e garimit në sezonin 2026/27 iu takon skuadrave në bazë të suksesit të treguar në sezonin 2025/2026. Të drejtë garimi kanë vetëm klubet, të cilat i kanë përmbushur obligimet financiare ndaj FBK-së.

**2.** Klubet në garat shtetërore (në të dy konkurrencat) janë të obliguara që t'i pranojnë dhe t'i zbatojnë Propozicionet e Garave, sistemin e garave, si dhe aktet tjera të FBK-së.

**3.** Në garat shtetërore klubet paraqiten nën emrin zyrtar, gjegjësisht nën emrin e tyre regjistruar. Pranë emrit zyrtar, klubet mund të përdorin edhe emrin e sponsorit dhe atë në gara, medime, në punët komerciale dhe rastet tjera për të cilën do të lajmërojë Komesarin e Garave.



**4.** Në rangjet garuese të U18, U16 dhe U14 klubi mund të marrë pjesë me nga dy skuadra, megjithatë lista e lojtarëve dhe trajnerëve duhet të jenë të ndara dhe nuk mund të kalojnë nga një skuadër në tjetrën. Klubi mund të bartë të drejtën e pjesëmarrjes në rangun e caktuar të garave, në klubin tjetër në përputhje me rregulloret përkatëse të Federatës.

**5.** Klubet që nuk janë të lidhura me një klub senior, në rast të tërheqjes nga gara para fillimit të saj ose largimit nga gara gjatë zhvillimit të saj, dënohen me gjobë në shumën prej 500.00 EUR. Pagesa e gjobës është kusht për pjesëmarrjen e klubit në edicionin e ardhshëm të garave të FBK-së. Kjo masë zbatohet me qëllim të garantimit të rregullsisë, stabilitetit dhe vazhdimësisë së garave, si dhe për të shmangur ndërprerjen ose çrregullimin e sistemit të garave si pasojë e tërheqjes së klubeve nga gara.

## NENI 8. TËRHEQJA E SHORTIT

Para fillimit të sezonit të garave, Komesari i Garave bën tërheqjen e numrit të ekipit për garat e secilës Ligë.

## NENI 9. PALESTRAT DHE TERMINET PËR ZHVILLIMIN E NDESHJEVE

**1.** Çdo klub është i obliguar që më së largu 14 ditë para fillimit të garave të paraqes palestrën, në të cilën do t'i zhvillojë ndeshjet si vendës dhe vërtetimin/marrëveshjen për përdorim të palestrës.

**2.** Skuadra vendëse është e obliguar të bëjë paraqitjen e vendit, ditës dhe orës së zhvillimit të ndeshjes më së paku 72 orë para zhvillimit të saj. Paraqitja me shkrim i bëhet Komesarit të Garave në adresën elektronike [xhelal.mumini@basketbolli.com](mailto:xhelal.mumini@basketbolli.com).

**3.** Ndeshjet zhvillohen sipas kalendarit të garave të përcaktuar më parë për çdo ligë veç e veç dhe atë:

Terminet e fillimit të ndeshjeve për gara kampionale mund të jenë:

**Dita: E PREMTE - Fillimi i ndeshjes: 18:00-20:00;**

**Dita: E SHTUNË dhe E DIEL - Fillimi i ndeshjes: 11:00-20:00.**

Terminet e fillimit të ndeshjeve kampionale dhe të Kupës të cilat zhvillohen në mes javë:

**Dita: E MARTË, E MËRKURË, E ENJTE - Fillimi i ndeshjes: 10:00 - 20:00.**

**4.** Ndeshjet mund të zhvillohen edhe në termine tjera, me lejen e Komesarit të Garave:

**5.1.** Me marrëveshje të skuadrave në mungesë të terminit. Nëse kërkohet që kjo ndeshje të zhvillohet jashtë javës së rregullt sipas kalendarit të garave, e njëjta DUHET të zhvillohet (me lejen me shkrim nga Komesari i Garave) para fillimit të javës së ardhshme kalendarike për shkak të mbarëvajtjes së rregullt të garave.

**5.2.** Në rast të dënimit të shqiptuar dhe suspendimit të fushës së regjistruar më parë, skuadra vendëse-organizatori është i obliguar që në afat prej 14 ditësh, të lajmërojë Komesarin e Garave për palestrën tjetër të regjistruar në të cilën do t'i zhvillojë ndeshjet si vendës, si dhe ditën dhe kohën e zhvillimit të ndeshjes.



**5.** Datat dhe terminet e ndeshjeve të PLAY-OFF-it do të përcaktohen para fillimit të sezonit garues.

**6.** Në pjesën përfundimtare të sezonit garues, nëse është nevoja, Komesari i Garave mund të caktojë që disa ndeshje apo të gjitha ndeshjet e xhiros së njëjtë të zhvillohen në ditën dhe orën e njëjtë. Ky Vendim do t'u komunikohet klubeve jo më vonë se 48 orë para terminit të fillimit të ndeshjes nëpërmjet adresës elektronike.

## ENI 10. SHTYRJA E NDESHJES

**1.** Në rast se ndeshja nuk mund të zhvillohet në terminin e caktuar apo është ndërprerë për shkak të pikave si më poshtë, **ndeshja duhet të zhvillohet brenda 24 orëve:**

- 1.1.** Ndërprerja e energjisë elektrike në pjesë ku gjendet palestra;
- 1.2.** Ndërprerja e komunikacionit;
- 1.3.** Fatkeqësitë nga moti i ligë të vërtetuara nga enti shtetëror hidro-meteorologjik;
- 1.4.** Situatat e përcaktuara me ligj për fatkeqësitë natyrore (zjarri, përmbytjet, rreziku etj.);
- 1.5.** Epidemia e publikuar nga institucioni i autorizuar shtetëror.

**2.** Vendimin mbi shtyrjen e ndeshjes për 24 orë e merr vëzhguesi i ndeshjes apo në mungesë të tij Gjyqtari i Parë.

**3.** Nëse nuk ekzistojnë kushtet për zhvillimin e ndeshjes, kurse organizatori i ndeshjes nuk mund të sigurojë ndonjë palestër tjetër të regjistruar, ndeshja do të shtyhet për ndonjë termin tjetër.

**4.** Sëmundja apo pamundësia e paraqitjes në ndeshje të lojtarëve dhe trajnerëve, zhvillimi i ndeshjeve miqësore apo turneve në vend dhe jashtë vendit, problemet me transport etj., nuk janë raste të arsyeshme për shtyrjen e ndeshjes. Shtyrja e ndeshjes mund të aprovohet me pëlqimin e të dy ekipeve dhe me lejen nga Komesari i Garave.

**5.** Gjatë organizimit të Programeve të FIBA-s apo FIBA Evropës (si: YDF (Youth Development Fund), Her World Her Rules) për gjeneratat e reja (djem dhe vajza), ndeshjet e gjeneratës pjesëmarrëse nuk do të zhvillohen në atë kohë sa zgjasin këto programe. Kjo vlen edhe për programe të tjera që në ndërkohë mund t'i fillojë FBK dhe që janë me interes për zhvillimin e basketbollit ndër gjenerata të reja.

**6.** Vendimin për terminin e ri të zhvillimit të ndeshjes e merr Komesari i Garave, por ndeshja e shtyrë DUHET të zhvillohet para përfundimit të pjesës së parë, gjegjësisht pjesës së dytë të Garave. Një herë ndeshja e shtyrë nuk mund të shtyhet përsëri.

**7.** Shpenzimet për ndeshjen e shtyrë do t'i bartë organizatori i ndeshjes të cilat i lejon Komesari i Garave pas marrjes së faturave (llogarive) të shpenzimeve të bëra nga ekipi mik si dhe për personat zyrtarë.

**8.** Ndeshja e ndërprerë për raste të arsyeshme (fatkeqësitë natyrore) do të vazhdohet nga koha dhe rezultati në momentin e ndërprerjes së ndeshjes, si dhe me të gjitha të dhënat nga protokollin e ndeshjes së ndërprerë.



**9.** Nëse të dy ekipet nuk paraqiten në fushë në kohën e caktuar për të zhvilluar ndeshjen, pa paralajmërimin e Komesarit të Garave për shkaqet e mos zhvillimit të ndeshjes, ndeshja nuk do të zhvillohet kurse të dy skuadrat nuk do të marrin nga një pikë sipas rregullit me rastin e humbjes së ndeshjes.

## **NENI 11. REGJISTRIMI I LOJTARËVE-EVE, E DREJTA PËR TË LUAJTUR**

**1.** Në ndeshje mund të paraqiten vetëm lojtarët/et të cilët janë të regjistruar dhe licencuar në platformën përkatëse dhe me kusht që lojtari (lojtarja) nuk është i suspenduar apo nuk vuan dënim. Secili ekip i paraqitur për edicionin e ri garues, duhet të ketë në regjistr të paktën 10 lojtarë/e. Në të kundërtën ekipet do të sanksionohen sipas këtyre Propozicioneve.

**2.** Në ndeshje, një ekip mund të paraqes më së shumti 12 (dymbëdhjetë) lojtarë/e dhe jo më pak se 10 (dhjetë). Në të kundërtën ekipet do të sanksionohen sipas këtyre Propozicioneve.

**3.** Lojtarët/et nën moshën 19 vjeçar/e të regjistruar/a në një ekip të Superligës (Meshkuj dhe Femra) apo të Ligës së Parë (Meshkuj dhe Femra) mund të paraqiten vetëm në ekipet (e kategorive të reja) zinxhir të të njëjtit ekip.

**4.** Kontrollimi mjekësor i lojtarëve-eve është i obliguar të kryhet një herë, para fillimit të edicionit. Lojtari (lojtarja) që nuk ka bërë kontrollimin mjekësor nuk mund të paraqitet në ndeshje.

**5.** Klubet janë të obliguara që në ndeshje të paraqiten me përbërje më të mirë. Për mosrespektimin e kësaj pike, trajneri dhe personi zyrtar (përfaqësuesi zyrtar apo kryetari) i klubit do t'i nënshtrohen përgjegjësisë disiplinore.

**6.** Për lojtarin/en që paraqitet për të luajtur më shumë se një ndeshje në ditën e njëjtë të zhvillimit të ndeshjeve, përgjegjësia për ndonjë lëndim apo problem tjetër që mund të ndodhë gjatë paraqitjes së shumëfishtë brenda ditës i takon ekipit të lojtarit/es.

**7.** Në edicionin garues 2026/27 çdo kategori duhet të ketë lojtarët sipas vitit që ka të drejtë garimi për atë kategori garash si në vijim:

**7.1.** Liga U18 (M): 2008 e më të ri; Liga U18 (F): 2008 e më të reja;

**7.2.** Liga U16 Lindje-Perëndim, Liga U16 Vajzat: 2010 e më të ri;

**7.3.** Liga U14 Lindje-Perëndim, Liga U14 Vajzat: 2012 e më të ri;

**7.4.** Liga U12 Lindje-Perëndim: 2014 e më të ri.

**8.** Skuadra e cila aktivizon lojtarë që nuk përputhen me moshën e lejuar për garat në atë kategori, qoftë me qëllim apo nga neglizhenca, humb ndeshjen me rezultat zyrtar, ndërsa ndaj personit/ave përgjegjës automatikisht inicohet procedurë disiplinore.

## **NENI 12. LOJTARËT-ET, PAJISJA**

**1.** Ekipi vendës apo ekipi i parë i shënuar në protokoll të ndeshjes është i obliguar që në ndeshje të paraqitet me uniforma me ngjyrë të ndritshme kurse ekipi mik apo ekipi i dytë i



shënuar në protokoll të ndeshjes me ngjyrë të mbylltë, dhe e kundërta nëse ekipet paraprakisht kanë arritur marrëveshje me shkrim. Ekipi mysafir obligohet të respektojë ngjyrat e uniformës së ekipit vendës, nëse ato janë paraqitur zyrtarisht në FBK.

- 2.** Gjatë prezantimit të ekipit të gjithë lojtarët duhet të jenë të veshur njëjtë.
- 3.** Fanellat e të gjithë lojtarëve duhet të jenë të vendosur në brekë gjatë tërë ndeshjes.
- 4.** Veshja e bluzave nën fanella e të cilat duken nuk janë të lejuara.
- 5.** Nuk është i lejuar reklamimi i pijeve alkoolike (përveç verës dhe birrës), cigareve (duhanit) dhe substancave të cilat gjinden në listën e ndaluar të substancave (WADA).
- 6.** Reklama e vendosur në fanellë në asnjë moment nuk guxon të mbulojë numrin apo mbiemrin e lojtarit.
- 7.** Ekipet janë të obliguara që në fanellat e lojtarëve të vendosin logon - emblemën e FBK-së. Emblema duhet të vendoset në anën e majtë të epërme të fanellës dhe dimensionet e saj nuk guxojnë të jenë më të vogla se 8 cm x 5 cm.
- 8.** Sa i përket të gjitha grupmohave të kategorive të reja, në rast të ndalesës së lojtarëve/eve për pjesëmarrje në testime, grumbullime, kampet nacionale, ndeshjet ndërkombëtare dhe në të gjitha aktivitetet e basketbollit të cilat organizohen nga FBK, ndaj personave përgjegjës të klubeve, lojtarëve/eve, trajnerëve do të hapet Procedurë Disiplinore.

### NENI 13. TRAJNERËT

- 1.** Detyrën e trajnerit apo ndihmës trajnerit mund ta ushtrojë vetëm personi i cili posedon licencën e trajnerit të lëshuar nga FBK dhe Shoqata e Trajnerëve të Basketbollit të Kosovës (SHTBK). Nëse ekipi nuk ka trajner apo ndihmës trajner i cili i plotëson kushtet e lartcekura, detyrën e trajnerit do ta ushtrojë kapiteni i ekipit. Në këtë rast një prej përfaqësuesve zyrtarë të ekipit (përfaqësuesi zyrtar, udhëheqësi teknik, mjeku etj.) nuk mund ta ushtrojë detyrën e trajnerit (të qëndrojë në këmbë gjatë ndeshjes, të kërkojë time-out, zëvendësim etj.)
- 2.** Vetëm trajnerit dhe ndihmës trajnerit (por në asnjë rrethanë të dyve në të njëjtën kohë) i lejohej të qëndrojë në këmbë dhe të komunikojë me lojtarë gjatë ndeshjes, me kusht që të qëndrojë në hapësirën e kufizuar rreth bankinës së ekipit. Ndihmës trajneri në asnjë situatë edhe pse qëndron në këmbë, nuk guxon t'i drejtohet personave zyrtarë të ndeshjes (vëzhguesit dhe gjyqtarëve).
- 3.** Trajnerin, në rast të mungesës së ndihmës trajnerit, gjatë ndeshjes mund ta zëvendësojë kapiteni i ekipit, vetëm në rastet e parapara me Rregullat e lojës së Basketbollit.
- 4.** Trajneri dhe ndihmës trajneri janë përfaqësuesit e vetëm të ekipit që mund të komunikojnë me gjyqtarët ndihmës. Gjatë ndeshjes, gjatë ndërprerjeve të lojës dhe ndaljes së orës së lojës, trajneri mund të ankohet në punën dhe objektivitetin e gjyqtarëve ndihmës tek vëzhguesi i ndeshjes, i cili vlerëson se a duhet të lajmërohen gjyqtarët e ndeshjes për këtë.



- 5.** Trajneri apo ndihmës trajneri i përjashtuar, përfaqësuesi zyrtar apo cilido person nga fletëparaqitja e lojtarëve për ndeshje, duhet të largohet nga fusha e lojës dhe nëse është nevojë edhe ta lëshojë palestrën.
- 6.** Në rast të dënimit të shqiptuar me ndalesë të ushtrimit të detyrës së trajnerit apo ndihmës trajnerit të ekipit, i njëjti në ndeshjen e ardhshme mund të jetë prezent tek shikuesit, por jo në anën në të cilën gjendet banka e ekipit së tij me lojtarë rezervë.
- 7.** Nëse në ndeshjen zyrtare miqësore vjen deri te sjellja jo sportive e trajnerit, lojtarit apo shikuesve dhe kjo paraqitet nga ana e personit zyrtar, të njëjtit mund të sanksionohen nga ana e organit të FBK-së me sanksionet të cilat janë në fuqi për ndeshjet kampionale dhe ato të Kupës.
- 8.** Vetëm trajnerët të cilët e kanë licencën e lëshuar nga FBK-se dhe janë anëtarë të SHTBK-së kanë të drejtë të udhëheqin me ekipet në atë kategori të garave për të cilën janë licencuar dhe kanë kryer obligimet ndaj SHTBK-së ose FBK-së.
- 9.** Në bazë të rregulloreve për licencimin është vendosur se trajnerët që nuk kanë licenca zyrtare dhe trajnimin profesional, nuk kanë të drejtë të udhëheqin me ekipin e basketbollit në ndonjë klub apo shkollat e basketbollit në garat zyrtare dhe ndeshjet që organizohen nën patronatin e FBK-së.
- 10.** Një trajner mund të angazhohet në maksimum dy (2) gjenerata/kategori të ndryshme brenda të njëjtit klub.

## NENI 14. PERSONAT ZYRTARË TË EKITIT

Ekipet që marrin pjesë në garat e kategorive të reja obligohen që në strukturat e tyre të kenë të paktën rolet si më poshtë. Në rast të çfarëdo ndryshimi të të dhënave apo personave përgjegjës, klubi duhet të informojë zyrtarisht Komesarin e Garave.

### **1. Përfaqësuesi zyrtar i ekipit:**

- 1.1.** përgjegjës për organizimin e ndeshjes, para vëzhguesit të ndeshjes apo gjyqtarit të parë në emër të klubit i cili është organizator i ndeshjes;
- 1.2.** gjatë ndeshjes nuk ka të drejtë të komunikojë me vëzhguesin dhe gjyqtarët; vetëm të autorizuar që të japin të dhëna për ndeshjen. Nëse ndodh që përfaqësuesi zyrtar të shkojë te tavolina zyrtare, para, gjatë dhe pas ndeshjes për të nxitur tensione, do të sanksionohet sipas rregullave zyrtare të basketbollit dhe kundër tij do të iniciohet, nëse është nevojë, procedura disiplinore.
- 1.3.** i obliguar që të bëjë paraqitjen e lojtarëve dhe përfaqësuesve zyrtarë në formularin e plotësuar dhe të vërtetuar me vulën e klubit, të cilin duhet t'ia dorëzojë vëzhguesit të ndeshjes më së voni 20 minuta para fillimit të ndeshjes së bashku me licencat e lojtarëve dhe përfaqësuesve zyrtarë të ekipit.
- 1.4.** këtë rol mund ta kryejë edhe trajneri apo kryetari i klubit.



## 2. Mjeku i ekipit dhe mjeku kujdestar:

- 2.1. Organizatori i ndeshjes është i obliguar që të sigurojë mjekun kujdestar, i cili ka në dispozicion mjetet për dhënien e ndihmës së parë;
- 2.2. Mjeku kujdestar duhet të ketë licencën e vërtetuar;
- 2.3. Para fillimit të ndeshjes, mjeku do t'i prezantohet ekipit mik dhe do ta njoftojë për vendin ku do të jetë gjatë zhvillimit të ndeshjes.

## 3. Personi për kontakt me FBK-në:

- 3.1. Çdo klub është i obliguar që të caktojë personin përgjegjës para fillimit të edicionit, i cili në emër të klubit do t'i ketë të gjitha autorizimet për kontakte zyrtare me FBK-në. Në informatë klubi është i obliguar që të cekë numrin e telefonit dhe postën elektronike të personit të caktuar.
- 3.2. Të gjithë informatorët, vendimet, njoftimet/informatat, shkresat tjera nga FBK, do dërgohen përmes postës elektronike të këtij personi. Personi për kontakt me FBK-në obligohet të kontrollojë rregullisht korrespondencën elektronike dhe dokumentet/njoftimet e cekura më lart konsiderohen të pranuar nga klubi/pala në momentin e dërgimit nga FBK.

## NENI 15. E DREJTA NË DHËNIEN E DEKLARATAVE DHE KOMENTIMI I NDARJES SË DREJTËSISË

Lojtarët, trajnerët, ndihmës trajnerët, personat zyrtarë, si dhe përfaqësuesit tjerë të ekipit, nuk guxojnë të japin deklarata publike për ndarjen e drejtësisë nga ana e gjyqtarëve, të komentojnë publikisht ndarjen e drejtësisë, si dhe të japin deklarata të tjera jo-korrekte dhe jo sportive më cilat dëmtohet imazhi i ekipit kundërshtar, Ligës dhe FBK-së.

## NENI 16. EKIPI VENDËS/ORGANIZATORI DHE NORMAT TEKNIKE

1. Organizatori është i obliguar që t'i ndihmojë ekipit mik në çdo rast, **t'ia caktojë përfaqësuesin e ekipit që t'i ndihmojë dhe të jep informata të nevojshme për ndeshje.**
2. Organizatori është i obliguar që të sigurojë personin me pajisje për pastrimin e fushës së lojës, i cili në çdo kohë duhet të jetë afër fushës (prapa panove të reklamave) dhe të veprojë menjëherë në ftesë të gjyqtarëve.
3. Ndeshjet mund të zhvillohen vetëm në **Palestra** të cilat i plotësojnë kushtet e parapara me rregullat zyrtare të basketbollit dhe të cilat janë të regjistruara nga ana e Komesarit të Garave. Çdo palestër duhet të ketë hyrje zyrtare, të ndarë nga hyrja e shikuesve, e cila mundëson hyrje/dalje të papenguar të ekipeve dhe personave zyrtarë. Nëse vërtetohet se salla nuk i plotëson kushtet e parapara me akte normative dhe me këto Propozicione, Komesari i Garave do të caktojë një afat kohor brenda të cilit duhet të mënjanohen të gjitha mungesat, në të kundërtën, do të ndalohet zhvillimi i ndeshjeve në atë palestër.



**4. Organizatori është i obliguar që të sigurojë lokalet zyrtare në palestër:**

**4.1.** Zhveshtoren për ekipin mik me minimum 24 varëse për rroba, 12 ulëse apo bankinë për persona (jenë të pajisura me nyje sanitare, me tusha dhe me hapësirë të nevojshme për zhveshjen e 12 lojtarëve);

**4.2.** Zhveshtoren për gjyqtarë me minimum 6 varëse për rroba, tri ulëse dhe tavolinën,

**4.3.** Lokalin për përpilimin e raportit të vëzhguesit (me kompjuter dhe internet).

**5. Fusha e lojës** dhe dysHEMEJA për lojë duhet të jenë konform standardeve të FIBA-s.

**6. Bankinat për ekipe** duhet të jenë mjaft të gjata që në mënyrë komode të ulen 16 persona, apo në vendin e rezervuar për bankinën e ekipit të ketë 16 karrige. Në bankinë kanë të drejtë, kurse gjatë ndeshjes duhet të ulen, personat të cilët janë paraqitur në listën paraqitëse të ekipit.

**7. Tavolina zyrtare** duhet të jetë e vendosur në mesin e një prej vijave të mesme të fushës (prapa së cilës gjenden bankinat e lojtarëve rezervë të të dy skuadrave) dhe të ofrojë kushtet e nevojshme për punën e personave zyrtarë (për kushtet specifike, shih Propozicionet e Garave për Kategoritë Seniore).

**8. Semafori** për ndeshje duhet të masë kohën e lojës prej 10:00 në 00:00 minuta e treguar me numra (në minutën e fundit të periudhës apo të kohës shtesë, semafori të tregojë edhe të qindtat e sekondës) dhe të tregojë numrin e gabimeve personale (vetjake)/teknike të ekipeve (Bonus).

**9. Aparaturat për matjen e 24 sekondave** duhet të jenë të vendosura mbi të dy tabelat e koshave. Nëse nuk mund të vendosen mbi tabela, atëherë ato mund të vendosen në dy këndet e kundërta të fushës së lojës. Pajisja për matje duhet të ketë mundësinë e resetimit të kohës në 14 sekonda.

**10.** Ndeshjet e kategorive të reja zhvillohen me **top 'SPALDING'**- TF1000 me emblemë të FBK-së ose ALL Conference, kurse të U12 me SPALDING 5. Organizatori i ndeshjes është i obliguar që të sigurojë 2 (dy) topa në gjendje të rregullt për skuadrën mike më së voni 30 minuta para fillimit të ndeshjes. Gjyqtarit të Parë i dorëzohen topat për zhvillimin e ndeshjes dhe Gjyqtari i Parë vendos për zgjedhjen e topit të lojës.

**11. Temperatura gjatë zhvillimit të ndeshjes në palestër (sallë)** duhet të jetë minimum 10 Gradë Celsius. Nëse ekipi mik pajtohet që ndeshja të zhvillohet në temperaturë edhe më të ulët se 10 Gradë Celsius, ndeshja do të zhvillohet. Nëse ekipi mik nuk pajtohet për të zhvilluar ndeshjen në temperaturë më të ulët se 10 Gradë Celsius, ndeshja do të shtyhet për 24 orë dhe gjatë kësaj kohe ekipi vendës duhet të gjejë sallë më të nxehtë dhe të regjistruar për zhvillimin e ndeshjes. Nëse ekipi vendës brenda këtij afati nuk mund të sigurojë palestër me kushte të përshtatshme, atëherë do ta humb ndeshjen me rezultat zyrtar. Ekipi vendës-organizatori, është i obliguar që vëzhguesit të ndeshjes t'i sigurojë termometrin për çdo ndeshje, nëse është e nevojshme që të bëhet matja e temperaturës në sallë.



## NENI 17. FILLIMI I NDESHJES

1. Për fillim të ndeshjes konsiderohet momenti kur gjyqtarët hyjnë në fushë dhe kërkojnë nga kohëmatësi që të lëshojë në funksion orën e ndeshjes që të punojë nga 20:00 në 00:00 minuta.
2. Me fillimin e këtyre 20 minutave, vëzhguesi verifikon se organizatori i ka plotësuar të gjitha kushtet dhe dispozitat e rregullave dhe të këtyre Propozicioneve.
3. Nëse konstatohet ndonjë mungesë/defekt në ndonjë pajisje apo mos prezencë e gjyqtarit-ëve ndihmës, organizatorit do t'i lejohet jo më shumë se 30 minuta që t'i sjellë në rregull pajisjet apo që të sigurojë gjyqtarin-ët ndihmës.
4. Nëse mungesat e konstatuara nuk mund të eliminohen në kohën e caktuar, apo nëse të njëjtat janë shkaktuar pas lëshimit në punë të orës 20:00 minuta para fillimit të ndeshjes, ndeshja do të shtyhet brenda 24 orëve të ardhshme.
5. Ndeshja mund të zhvillohet apo edhe të përfundohet me mjetet ndihmëse teknike, por me kusht që Gjyqtari i Parë dhe ekipi mik të pajtohen që ndeshja të zhvillohet nën këto kushte, gjë që duhet të konstatohet dhe të ceket në Raportin e Vëzhguesit dhe të verifikohet me nënshkrimin e përfaqësuesit zyrtar të ekipit mik.

## NENI 18. RRJEDHA E NDESHJES

1. Organizatori i mban të gjitha përgjegjësitë për të gjitha shkeljet dhe incidentet të cilat ndodhin para, gjatë dhe pas përfundimit të ndeshjes.
2. Organizatori nuk guxon të lejojë personat jo zyrtarë dhe shikuesit që të cenojnë fushën e lojës në pjesën e rrethuar apo të valëvitni me flamuj përtej pjesës së rrethuar.
3. Organizatori është përgjegjës për hedhjen e petardëve dhe gjësëndeve tjera në fushë nga ana e shikuesve, pa marrë parasysh se cila anë e shikuesve bënë hedhjen e tyre.
4. Në rast të tolloive në fushë apo sallë, organizatori duhet të ndërmarrë masa dhe të mbrojë të gjithë anëtarët e ekipeve, gjyqtarët dhe vëzhguesin. Duhet të sigurojë hyrjen e tyre në zhyeshetore, kurse për ekipin mik dhe personat zyrtarë edhe largimin nga qyteti. Nëse incidentet ndodhin nga ana e shikuesve të ekipit mik, të lajmëruar në mënyrë zyrtare, përgjegjës do të jetë ekipi mik.
5. Për të gjitha lëshimet sipas këtij neni si dhe tentim sulmet apo sulmet fizike në skuadra, gjyqtarë apo vëzhgues do të caktohen dënimet e përcaktuara sipas këtyre Propozicioneve dhe akteve tjera normative të FBK-së.

## NENI 19. SHPALLJA E REZULTATIT PËRFUNDIMTAR TË NDESHJES

Vëzhguesi apo Gjyqtari i Parë (nëse në ndeshje nuk ka vëzhgues) më së voni 30 minuta pas përfundimit të ndeshjes janë të obliguar që ta njoftojnë Komesarin e Garave me rezultatin e arritur nëpërmjet telefonit. Në të kundërtën, vëzhguesi apo Gjyqtari i Parë (nëse nuk ka vëzhgues) do të dënohen në pajtim me kriteret e këtyre Propozicioneve.



## NENI 20. RAPORTI I VËZHguesIT - PROTOKOLLI

Raporti i vëzhguesit përmban shënimet e përgjithshme lidhur me ndeshjen, mendimin dhe vlerësimin e vëzhguesit dhe përfundimin e organizimit të ndeshjes dhe duhet të përpilohet me kompjuter. Në raportin e vet, vëzhguesi duhet të cek mënyrën e udhëtimit të personave zyrtarë në ndeshje, së bashku apo në mënyrë individuale. Vëzhguesi dhe gjyqtarët nuk janë të autorizuar që ta njoftojnë opinionin me raportin e ndeshjes.

## NENI 21. VËZHguesI

1. Detyrën e vëzhguesit në ndeshje e kryen personi i cili gjendet në listën e propozuar nga ana e Shoqatës së Gjyqtarëve të FBK-së, e aprovuar nga Bordi i FBK-së.
2. Delegimin e vëzhguesve në të gjitha ndeshjet për kategoritë e reja e bën Komesari i Garave për Kategoritë e Reja.
3. Vëzhguesi delegohet në ndeshje për të siguruar rrjedhën normale të saj sipas kriterëve të parapara dhe duhet të bashkëpunojë me gjyqtarë para, gjatë dhe pas ndeshjes. Gjatë ndeshjes është i ulur në mes të procesmbajtësit dhe kohëmatësit. Për përgjegjësitë, obligimet dhe detyrat specifike të vëzhguesit, *shih Propozicionet e Garave për Kategoritë Seniore*.
4. Vëzhguesi është i obliguar të arrijë në palestrën ku do të zhvillohet ndeshja, një (1) orë para fillimit të ndeshjes.
5. Për përgjegjësinë disiplinore të vëzhguesit vendos Komesari i Garave dhe Bordi i FBK-së në raste të veçanta.
6. Vëzhguesi, menjëherë pas përfundimit të ndeshjes është i obliguar që Komesarit të Garave t'ia dërgojë Raportin e Vëzhguesit me anë të postës elektronike.

## NENI 22. GJYQTARËT

1. Listën e gjyqtarëve për ndarjen e drejtësisë në ndeshje, me propozim të Shoqatës së Gjyqtarëve të FBK-së, e miraton Bordi i FBK-së.
2. Delegimin e gjyqtarëve e bënë Komesari i Garave për Kategoritë e Reja, në bazë të listës së aprovuar nga Bordi i FBK-së.
3. Klubet nuk mund të kërkojnë përjashtimin e gjyqtarëve dhe vëzhguesve nga lista e aprovuar nga Bordi i FBK-së, apo nga ndeshja në të cilën është deleguar.
4. Gjyqtarët janë plotësisht të pavarur për marrjen e vendimeve. Janë të obliguar që me çdo kusht, nëse ekzistojnë kushtet normale, ta sjellin ndeshjen deri në përfundim të saj.
5. Gjyqtari i parë posaçërisht është përgjegjës për fushëveprimin tij, të përcaktuar me Rregullat zyrtare të lojës.
6. Me realizimin e sulmit fizik ndaj personave zyrtarë (gjyqtarëve dhe vëzhguesit), ndeshja ndërpritet menjëherë, pa vazhdim, me vendimin e marrë nga Gjyqtari i Parë. Ekipi



përgjegjës për ndërprerjen e ndeshjes humb ndeshjen me rezultat zyrtar dhe nuk i takon asnjë pikë në tabelën e klasifikimit.

**7.** Gjyqtarët janë të obliguar të arrijnë në palestër ku do të zhvillohet ndeshja një orë para fillimit të saj, e 20 minuta para fillimit të dalin në fushë në veshje (uniformë) të gjyqtarëve, matësi i kohës e lëshon orën për matjen e kohës.

**8.** Nuk lejohet që gjyqtarët të kenë veshje (uniformë) të ndryshme gjatë ndeshjes.

**9.** Gjyqtarët janë të obliguar që t'i zbatojnë në tërësi rregullat e lojës dhe interpretimin e tyre nga ana e FIBA-s, si dhe mos të lejojnë shkeljen e dispozitave të këtyre Propozicioneve dhe Rregullores së Garave të FBK-së.

**10.** Gjyqtari, i cili ka marrë vendim për përjashtimin e lojtarit, trajnerit, personit zyrtar, apo ka paraqitur ndonjërin nga personat e cekur në fletëparaqitje, duhet ta lajmërojë (njoftojë) vëzhguesin me arsyet e vendimit të marrë apo paraqitjes me shkrim.

**11.** Gjyqtarët janë të obliguar që në ftesë të vëzhguesit, t'i përshkruajnë të gjitha momentet (rastet) kontestuese të cilat kanë ndodhë në ndeshje, që të përshkruajnë arsyet për gabimet e dhëna teknike dhe përjashtimet (diskualifikimet) e lojtarëve, trajnerëve dhe përfaqësuesve zyrtarë, si dhe vendimet tjera të rëndësishme të cilat nuk kanë të bëjnë me rrjedhën e ndeshjes (zbrazja e pjesërishme apo e tërësishme e shikuesve, etj).

**12.** Gjyqtarët dhe vëzhguesi nuk guxojnë të udhëtojnë në ndeshje me mjetin transportues (automobilin, autobusin etj) të ekipit e cila gjykohet nga ta.

**13.** Komesari i Garave i fton në përgjegjësi dhe i ndëshkon në shkallë të parë gjyqtarët të cilët nuk i respektojnë dispozitat e rregullave të basketbollit, dhe nuk e kryejnë detyrën e tyre sipas këtyre Propozicioneve.

**14.** Gjyqtarëve iu ndalohet komentimi i të gjitha detajeve lidhur me ndeshjen e zhvilluar dhe me detajet e cekura në raportin e ndeshjes.

**15.** Pas përfundimit të ndeshjes, gjyqtarët mund ta braktisin fushën vetëm me lejin e vëzhguesit.

## NENI 23. GJYQTARËT NDIHMËS

**1.** Gjyqtarët ndihmës në ndeshje i cakton ekipi vendës.

**2.** Gjyqtarët ndihmës të cilët nuk i respektojnë dispozitat e Rregullave të basketbollit dhe detyrën e tyre nuk e kryejnë sipas këtyre Propozicioneve, do të ftohen në përgjegjësi disiplinore dhe do të ndëshkohen nga Komesari i Garave.

**3.** Vëzhguesi i ndeshjes ka të drejtë të përjashtojë nga tavolina zyrtare gjyqtarët të cilët nuk i respektojnë dispozitat e rregullave të basketbollit dhe detyrën e tyre nuk e kryejnë sipas këtyre Propozicioneve. Në këtë rast klubi ka 30 minuta kohë që të gjejë zëvendësimin për gjyqtarin ndihmës të përjashtuar.



**4.** Pas përfundimit të ndeshjes, gjyqtarët ndihmës mund ta braktisin fushën vetëm me lejinim e vëzhguesit.

## NENI 24. ANKESA NË NDESHJE

**1.** Në rast të ankesës së paraqitur nga ekipi i cili mendon se është dëmtuar me vendimet e gjyqtarëve, me paraqitjen e lojtarit i cili nuk është regjistruar sipas Rregullores mbi regjistrimin e lojtarëve, apo me paraqitjen e lojtarit të dënuar, ankesa duhet të bëhet sipas këtyre kushteve:

**1.1.** Kapiteni i ekipit DUHET të nënshkruhet menjëherë në vendin e caktuar pas përfundimit të ndeshjes në Protokollin e ndeshjes.

**1.2.** Tia dorëzojë vëzhguesit me shkrim sqarimet e ankesës më së voni 15 minuta pas përfundimit të ndeshjes. Pastaj, personat zyrtarë të ndeshjes (gjyqtarët dhe vëzhguesi), secili veç e veç, duhet të japin mendimin me shkrim në lidhje me ankesën, e në rast kërkesës me shkrim të Komesarit të Garave, edhe raportin plotësues.

**1.3.** Klubi duhet të bëjë deponimin e shumës në lartësi prej 300,00€ në llogarinë e FBK-së më së voni në ditën e parë të punës pas përfundimit të ndeshjes.

**1.4.** Klubi mundet, por nuk është i obliguar, të dorëzojë plotësimet e ankesës më së voni ditën e parë të punës pas përfundimit të ndeshjes.

**1.5.** Ankesa nuk mund të parashtrohet ndaj vendimeve faktike (kriterit) të gjyqtarëve.

**2.** Ankesa, e cila nuk është lajmëruar me nënshkrimin e kapitenit të ekipit, nuk i është dhënë me kohë vëzhguesit të ndeshjes dhe nuk është bërë deponimi i shumës në afatin e caktuar, do të refuzohet dhe nuk do të merret parasysh.

**3.** Për përcaktimin e terminit të saktë të datës së deponimit të shumës për ankesë do të merret parasysh fletëpagesa postare apo bankare.

**4.** Komesari i Garave mund të marrë vendim për miratimin e ankesës apo refuzimin e saj dhe atë më së voni 72 orë pas përfundimit të ndeshjes.

**5.** Nëse ankesa miratohet, Komesari i Garave mund të urdhërojë zhvillimin e serishëm të ndeshjes apo do të regjistrojë me rezultat zyrtar nëse për këtë plotësohen kushtet e përcaktuara me këto propozicione dhe Rregullat Zyrtare të Basketbollit. Me miratimin e ankesës nga ana e Komesarit të Garave, bëhet kthimi i mjeteve të deponuara.

**6.** Nëse ankesa refuzohet Komesari i Garave do të regjistrojë ndeshjen me rezultatin e arritur.

**7.** Në ndeshjet e Play-offit, turnetë finale apo tempoja e zhvillimit të ndeshjeve e cila kërkon reagim të shpejtë, Komesari i Garave vendimet duhet t'i sjellë në afat prej 24 orëve pas përfundimit të ndeshjeve, e me këtë duhet të dorëzohen të gjitha dokumentet e nevojshme (ankesa, deklaratat e akterëve, personave zyrtarë etj), duhet t'i dorëzohen Komesarit të Garave në afatin e caktuar.



## NENI 25. ANKESA NË VENDIMIN E KOMESARIT TË GARAVE

1. Në vendimin e Komesarit të Garave është e lejuar ankesa në Komisionin e Ankesave dhe Arbitrazhit të FBK-së, e cila dorëzohet më së voni 24 orë pas pranimit të vendimit (përmes postës elektronike apo dita e publikimit në ueb-faqen e FBK-së).
2. Për ankesë, paraqitësi i ankesës duhet të deponojë në llogarinë e FBK-së shumën prej 150.00 €.
3. Ankesa e cila nuk është dorëzuar me kohë tek Komisioni i Ankesave dhe Arbitrazhit, apo nuk është deponuar shuma e caktuar refuzohet dhe nuk do të shqyrtohet.
4. Komisioni i Ankesave dhe Arbitrazhit vendimin e merr në afat prej 48 orëve. Vendimi i Komisionit të Ankesave dhe Arbitrazhit është përfundimtar dhe pa të drejtë ankese brenda FBK-së.
5. Në vendimin e Komisionit të Ankesave dhe Arbitrazhit, pala e pakënaqur ka të drejtë juridike, kërkesë për mbrojtjen e ligjshmërisë para Bordit të FBK-së, por vetëm në rastin kur mendon se vendimi i Komisionit të Ankesave dhe Arbitrazhit ka bërë shkelje materiale të akteve normative të FBK-së.
6. Gjatë Play-Off-it, pas ankesës së dorëzuar të ekipit, në ftesë të Komesarit të Garave, Komisioni i Ankesave dhe Arbitrazhit mbledhet dhe menjëherë merr vendim për ankesën e dorëzuar.
7. Nëse ankesa aprovet, shuma e deponuar do t'i kthehet paraqitësit të ankesës.
8. Ankesat në vendimin e Komesarit të Garave në ndeshjet finale paraqiten dhe shumat deponohen njësoj sikur te pjesa e rregullt e garave.
9. Në këto vendime paraqitësi i ankesës ka të drejtë ankese në afat prej 24 orëve nga pranimi i vendimit përmes postës elektronike, apo dita e publikimit në ueb-faqen e FBK-së.

## NENI 26. REGJISTRIMI I NDESHJEVE

1. Komesari i Garave bën regjistrimin e ndeshjeve përmes informatorëve dhe në bazë të raporteve të pranuar nga vëzhguesit e ndeshjeve.
2. Të gjitha ndeshjet për të cilat ekzistojnë ankesat apo rastet tjera të cilat nuk lejojnë regjistrimin e ndeshjes, Komesari i Garave është i obliguar që t'i regjistrojë në afatin sa më të shkurtër, gjegjësisht, më së voni 7 ditë pas përfundimit të xhiros apo të ndeshjes.
3. Në rast kur është paraqitur ankesa apo ekzistojnë raste të tjera për të cilat ndeshja nuk mund të jetë e regjistruar, afati i regjistrimit shtyhet (pezullohet) deri në ditën e marrjes së vendimit, gjegjësisht deri në marrjen e vendimit për zgjedhjen e rastit për të cilin ndeshja nuk është regjistruar.
4. Të gjitha ndeshjet për të cilat nuk ka ankesa apo raste të tjera të cilat nuk lejojnë regjistrimin e ndeshjes, Komesari i Garave është i obliguar që t'i regjistrojë 48 orë pas përfundimit të ndeshjeve.



5. Njëherë ndeshja e regjistruar apo vendimi i marrë nuk mund të anulohet nga ana e organit të njëjtë.

6. Të gjitha vendimet, informatorët, ankesat, si dhe të gjitha dorëzimet dhe njoftimet konsiderohen të dërguara ose të pranuar dhe të dorëzuara në mënyrë të duhur në postën elektronike të personit për kontakt me FBK-në.

## NENI 27. NDARJA E PIKËVE DHE PLASMANI I EKIPEVE

1. Mënyra e ndarjes së pikëve dhe përcaktimi i plasmanit të ekipeve në sistemin e garave bëhet në bazë të dispozitave të Rregullave Zyrtare të Basketbollit dhe shtojcës përkatëse.

2. Mënyra e përcaktimit të plasmanit të skuadrave do të zbatohet në pjesën e parë të edicionit, pas zhvillimit të të gjitha ndeshjeve, dhe pas përfundimit të edicionit të rregullt garues.

## NENI 28. OBLIGIMET FINANCIARE

1. Klubet janë të obliguara që obligimet e tyre financiare t'i paguajnë me rregull.

1.1. Borxhet nga edicioni i kaluar, në bazë të Marrëveshjes me FBK apo më së voni 15 ditë para fillimit të edicionit të ri garues;

1.2. Dënimet e shqiptuara në ndeshjet e rregullta të edicionit garues para fillimit të ndeshjes;

1.3. Obligimet për personat zyrtarë të ndeshjes para fillimit të ndeshjes si vendas;

1.4. Pagesa e dënimeve dhe obligimeve tjera materiale, bëhet nëpërmjet bankës ose në mënyrë elektronike. Rreptësisht ndalohet pagesa e dënimeve me para në dorë (cash).

1.5. Pagesa e dënimeve dhe obligimeve tjera për shkak të sjelljes së shikuesve ose organizmit të dobët të ndeshjes mund të paguhet deri në afatin prej 8 orësh para fillimit të ndeshjes së ardhshme si vendës.

2. Nëse obligimet financiare nuk paguhet në afate të caktuara, Komesari i Garave do të marrë vendim për suspendim. Gjatë kohës së suspendimit, klubi nuk ka të drejtë paraqitjeje në asnjë aktivitet të organizuar nga FBK.

3. Kundër vendimit të Komesarit të Garave për suspendimin e klubit për shkak të mospagesës së obligimeve, klubi ka të drejtë ankese Komisionit të Ankesave dhe Arbitrazhit të FBK-së në afat prej 24 orëve nga marrja e vendimit. Ankesa nuk e shtyn zbatimin e vendimit.

## NENI 29. SHKELJET DHE DËNIMET

|      | ORGANIZIMI I NDESHJES                                       | U18<br>U16 | U14 -<br>U12 |
|------|-------------------------------------------------------------|------------|--------------|
| 29.1 | Mungesa e personit dhe pajisjes për pastrimin e fushës      | 10.00€     | 10.00€       |
| 29.2 | Mos sigurimi i zhveshtoreve për skuadrën mike dhe gjyqtarët | 50.00€     | 30.00€       |



|              |                                                                                                                                                                                                                                                                                                                                           |                                    |                                     |
|--------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------|-------------------------------------|
| <b>29.3</b>  | Organizimi i dobët i tavolinës zyrtare                                                                                                                                                                                                                                                                                                    | 40.00€                             | 20.00€                              |
| <b>29.4</b>  | Pengimi i punës së tavolinës zyrtare, vëzhguesit dhe gjyqtarëve nga ana e personave të pa autorizuar para, gjatë dhe pas ndeshjes                                                                                                                                                                                                         | 50.00€                             | 35.00€                              |
| <b>29.5</b>  | Mos sigurimi i dy (2) topave për skuadrën mike dhe topit me Logo                                                                                                                                                                                                                                                                          | 20.00€                             | 15.00€                              |
| <b>29.6</b>  | Mosparaqitja e lojtarëve me logo të FBK, mosparaqitja e lojtarëve me fanella të njëjta dhe dukshmëria jo e mirë e numrave                                                                                                                                                                                                                 | 20.00€                             | 15.00€                              |
| <b>29.7</b>  | Organizimi i dobët në tërësi sipas konstatimit të vëzhguesit                                                                                                                                                                                                                                                                              | 50.00€                             | 30.00€                              |
|              | <b>SJELLJA E SHIKUESVE</b>                                                                                                                                                                                                                                                                                                                | <b>U18<br/>U16</b>                 | <b>U14 -<br/>U12</b>                |
| <b>29.8</b>  | Konsumimi i duhanit                                                                                                                                                                                                                                                                                                                       | 20.00€                             | 10.00€                              |
| <b>29.9</b>  | Hedhja e gjësendeve në fushë<br>- të buta (rrollne të letrave, letra të imëta, qese najlloni etj).<br>- të forta të cilat mund të shkaktojnë lëndime (para nga metali, stilolapsa, shishe plastike të mbushura, mjete të ndezura etj).<br>- të forta të cilat mund të shkaktojnë lëndime me rrezik për jetë (gurë, karrige, dërrasa etj). | 40.00-<br>100€                     | 30.00-<br>100€                      |
| <b>29.10</b> | Pështyjma e lojtarëve apo personave zyrtarë nga ana e shikuesve                                                                                                                                                                                                                                                                           | 80.00€                             | 50.00€                              |
| <b>29.11</b> | Animi dhe sjellja josportive e shikuesve ndaj gjyqtarëve, lojtarëve, ekipit mik dhe personave zyrtarë, institucioneve, FBK-së, etj. apo animi dhe sjellja josportive e shikuesve me ofendime nacionale, fetare dhe racore si dhe vendosja e transparenteve me ofendime josportive, racore dhe nacionale.                                  | 50.00€                             | 30.00€                              |
| <b>29.12</b> | Nëse në fushë hedhen gjësende të forta dhe të njëjtat lëndojnë lojtarët, trajnerët, personat zyrtarë dhe ndeshja ndërpritet pa vërejtjen e dhënë.                                                                                                                                                                                         | 500.00€ dhe 1-2 ndeshje pa shikues | 300.00 € dhe 1-2 ndeshje pa shikues |
| <b>29.13</b> | Hedhja në fushë apo në tribuna e petardëve apo mjeteve tjera piroteknike                                                                                                                                                                                                                                                                  | 100.00€                            | 80.00€                              |



|              |                                                                                                                                                                                                                                                                                                                               |                                                                                                            |                                                                                                           |
|--------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------|-----------------------------------------------------------------------------------------------------------|
| <b>29.14</b> | Hyrja e personave jozyrtarë në fushë para, gjatë dhe pas ndeshjes                                                                                                                                                                                                                                                             | 100.00€                                                                                                    | 50.00€                                                                                                    |
| <b>29.15</b> | Realizimi i sulmit fizik ndaj secilit akterë të përfshirë në ndeshje                                                                                                                                                                                                                                                          | 500.00€ dhe 3 ndeshje pa shikues                                                                           | 300.00 € dhe 3 ndeshje pa shikues                                                                         |
|              | <b>PJESËTARËT E EKIPEVE</b>                                                                                                                                                                                                                                                                                                   | <b>U18<br/>U16</b>                                                                                         | <b>U14 -<br/>U12</b>                                                                                      |
| <b>29.16</b> | Gabimi teknik i lojtarit                                                                                                                                                                                                                                                                                                      | 40.00€                                                                                                     | 25.00€                                                                                                    |
| <b>29.17</b> | Gabimi teknik i trajnerit                                                                                                                                                                                                                                                                                                     | 40.00€                                                                                                     | 25.00€                                                                                                    |
| <b>29.18</b> | Sjellja josp sportive, përpjekja e sulmit fizik dhe pështymja ndaj lojtarit kundërshtar, personit zyrtar të klubit apo personave zyrtarë (vëzhguesit, gjyqtarëve dhe gjyqtarëve ndihmës) para, gjatë dhe pas përfundimit të ndeshjes, bazuar në fletëparaqitjen, video inçizime apo prezenca e Komesarit të Garave në ndeshje | 100.00€ dhe 1-2 ndeshje me ndalesë të paraqitjes apo mos ushtrimi i detyrës                                | 30.00€ dhe 1-2 ndeshje me ndalesë të paraqitjes apo mos ushtrimi i detyrës                                |
| <b>29.19</b> | Rrahja/përleshja/goditja mes lojtarëve para, gjatë dhe pas përfundimit të ndeshjes:<br>1. Për pjesëmarrësin-it në rrahje<br>2. Për nxitësin (iniciatorin) e incidentit                                                                                                                                                        | 1) 100.00€<br>2 ndeshje<br><br>2) 200.00€<br>4 ndeshje me ndalesë të paraqitjes apo mos ushtrimi i detyrës | 1) 70.00€<br>2 ndeshje<br><br>2) 150.00€<br>4 ndeshje me ndalesë të paraqitjes apo mos ushtrimi i detyrës |
| <b>29.20</b> | Realizimi i sulmit fizik ndaj personave zyrtarë                                                                                                                                                                                                                                                                               | 500. 00€<br>1 vit me ndalesë të paraqitjes apo mos ushtrimi i detyrës                                      | 400. 00€<br>1 vit me ndalesë të paraqitjes apo mos ushtrimi i detyrës                                     |



|              | PËRBËRJA E EKIPIT                                                                                                                                                                  | U18<br>U16                             | U14 -<br>U12 |
|--------------|------------------------------------------------------------------------------------------------------------------------------------------------------------------------------------|----------------------------------------|--------------|
| <b>29.21</b> | Nëse ekipi nuk paraqitet në përbërjen më të mirë                                                                                                                                   | 100.00€                                | 50.00€       |
|              | <b>VËZHguesi, GJYQTARËT DHE GJYQTARËT NDIHMËS</b>                                                                                                                                  | <b>Dënimet</b>                         |              |
| <b>29.22</b> | Kryerja e papërgjegjshme e detyrës, mos zbatimi i udhëzimeve dhe vendimeve të Komesarit të Garave, Propozicioneve të Garave, rregullave zyrtare të lojës                           | 2-4 ndeshje mos delegim                |              |
| <b>29.23</b> | Paraqitja jo objektive e fakteve në raport dhe fshehja e fakteve                                                                                                                   | 2-4 ndeshje mos delegim                |              |
| <b>29.24</b> | Dorëzimi jo me kohë i raportit të ndeshjes nga ana e vëzhguesit                                                                                                                    | 3 ndeshje mos delegim                  |              |
| <b>29.25</b> | Përdorimi i veshjes jo të rregullt për ndarjen e drejtësisë, mungesa e ndonjë pjese të veshjes uniformes apo veshjes nga kolegët e tij                                             | 2 ndeshje mos delegim                  |              |
| <b>29.26</b> | Mosparaqitja me kohë në ndeshje                                                                                                                                                    | 1 ndeshje mos delegim                  |              |
| <b>29.27</b> | Mosparaqitja e pa arsyeshme në ndeshje                                                                                                                                             | Fshirje nga lista për edicionin garues |              |
| <b>29.28</b> | Konsumimi i alkoolit në ditën e ndarjes së drejtësisë, para fillimit të ndeshjes                                                                                                   | 5 ndeshje mos delegim                  |              |
| <b>29.29</b> | Ndarja jo e mirë apo e dobët e drejtësisë sipas raportit të Kontrollorit të ndeshjes apo shikimit të video xhirimit të ndeshjes                                                    | 1-2 ndeshje mos delegim                |              |
| <b>29.30</b> | Bërja e gabimit material të rregullave të lojës sipas vlerësimit të vëzhguesit apo kontrollorit të ndeshjes por pa ndikim të drejtpërdrejtë në rezultatin përfundimtar të ndeshjes | 4 ndeshje mos delegim                  |              |
| <b>29.31</b> | Bërja e gabimit material të rregullave të lojës me ndikim të drejtpërdrejtë në rezultatin përfundimtar të ndeshjes                                                                 | 2-10 ndeshje mos delegim               |              |
| <b>29.32</b> | Gjyqtari apo vëzhguesi i cili tenton ose realizon sulmin fizik ndaj lojtarit, trajnerit ose personit zyrtar të skuadrës, ndaj kolegut apo vëzhguesit ose vëzhguesit ndaj gjyqtarit | Fshirja nga lista për edicionin garues |              |



|              |                                                                                                                               |                                        |
|--------------|-------------------------------------------------------------------------------------------------------------------------------|----------------------------------------|
| <b>29.33</b> | Gjyqtari apo vëzhguesi i cili nuk merr pjesë në seminarët dhe testimet e obliguara para dhe gjatë edicionit garues            | Fshirja nga lista për edicionin garues |
| <b>29.34</b> | Gjyqtari i dënuar tri (3) herë për shkak të mos respektimit të këtij neni                                                     | Fshirja nga lista për edicionin garues |
| <b>29.35</b> | Gjyqtari apo vëzhguesi i cili publikisht kritikon vendimet e marra të FBK, punën e Komesarit të Garave dhe Komisioneve të FBK | Fshirja nga lista për edicionin garues |

**29.36.** Nëse ekipi në ndeshje paraqitet me lojtarin i cili nuk ka të drejtë paraqitjeje, apo ekipi nuk posedon licencën e lëshuar nga komisioni për regjistrim (Komesari i Garave), apo ndeshjen e udhëheqë trajneri i dënuar, kjo skuadër e humb ndeshjen me rezultat zyrtar 20:0 dhe nuk merr asnjë pikë.

**29.37.** Nëse ekipi nuk paraqitet pa arsye për zhvillimin e ndeshjes, ndeshjen e humb me rezultat 20:0 dhe nuk merr asnjë pikë.

**29.38.** Ekipi që në një edicion garues humb 2 ndeshje të përshkruara me nenin 28.36. dhe 28.37. do të largohet nga garat e mëtutjeshme dhe në vitin e ardhshëm garues nuk mund të paraqitet në të njëjtën ligë të garave.

**29.39.** Ekipi që e braktisë në mënyrë arbitrare fushën e lojës para përfundimit të ndeshjes dhe nuk kthehet për vazhdimin e ndeshjes pas kohës së Time-out të mbetur për atë periudhë apo në ftesë të gjyqtarit të parë, humbet ndeshjen me rezultat zyrtar, ndërsa ndaj personit përgjegjës automatikisht inicohet procedurë disiplinore.

### NENI 30. SHQIPTIMI I DËNIMEVE

**1.** Komesari i Garave në shkallë të parë i shqipton dënimet për shkeljet e përcaktuara me këto Propozicione të Garave përmes informatorëve apo vendimeve, të cilat dërgohen dhe konsiderohen të pranuar nga klubi përmes postës elektronike të personit të kontaktit me FBK. Në të kundërtën klubet mbajnë përgjegjësi për lëshimet eventuale sipas këtij qëndrimi.

**2.** Komesari i Garave bën regjistrimin e ndeshjeve, shqiptimin e dënimeve përmes informatorëve. Pjesa e parë e informatorit përmban regjistrimin e ndeshjeve - rezultatet dhe komentet e përgjithshme në bazë të raportit të vëzhguesit; Pjesa e dytë liston dënimet e shqiptuara - dënimet shqiptohen në mënyrë automatike dhe Komesari i Garave mund të shqiptojë dënimet për akterët e ndeshjeve edhe pse ata nuk janë shënuar dhe nuk janë sanksionuar nga ana e vëzhguesit dhe gjyqtarët, por është konstatuar nga video xhirimet e ndeshjes apo prezencës së tij në ndeshje. Sipas nevojës, Komesari i Garave merr edhe vendime tjera që kanë të bëjnë me garat.



- 3.** Për shkeljet e rënda të lojtarëve, trajnerëve, përfaqësuesve zyrtarë të klubeve dhe përfaqësuesve zyrtarë në ndeshje, Komesari i Garave inicion procedurë disiplinore.
- 4.** Dënimet e shqiptuara për ndalimin e paraqitjes në ndeshje, gjegjësisht kryerjes së detyrës në numër të caktuar të ndeshjeve, zbatohet sipas tempos së delegimit, në pajtim me orarin dhe kalendarin e garave kampionale dhe të Kupës.
- 5.** Në rast që dënimi i shqiptuar nuk ka kaluar në edicionin garues ai do të bartet në edicionin e ardhshëm garues pa marrë parasysh në ndërrimin eventual të shkallës së garave, klubit apo emërimit.
- 6.** Personit të cilit i është shqiptuar dënimi kohor, gjatë kohës së mbajtjes së dënimit nuk mund të ushtrojë asnjë detyrë në sportin e basketbollit. Dënimi i shqiptuar kohor nga trupat e autorizuara botërore, evropiane dhe regjionale do të vlejë edhe në ndeshjet e zhvilluara në FBK.

### **NENI 31. DËNIMI NDALESË E PREZENCËS SË SHIKUESVE**

- 1.** Në rast që ekipi vendës-organizatori është dënuar që ndeshjet vendase t'i zhvillojë pa prezencën e shikuesve, është i obliguar:
  - 1.1.** Që të sigurojë palestrën e regjistruar për atë nivel të garave.
  - 1.2.** Që të sigurojë që në palestër, përveç ekepeve të jenë të pranishëm vetëm personat zyrtarë, kujdestarët dhe organi për sigurim.
- 2.** Delegati i ndeshjes është i autorizuar që të kërkojë nga organizatori largimin e të gjithë personave jozyrtarë nga palestra, para apo nëse është e nevojshme edhe gjatë ndeshjes, kurse vëzhguesi nuk guxon të lejojë që ndeshja të fillojë pa u plotësuar këto kushte.

### **NENI 32. RESPEKTIMI DHE ZBATIMI I POLITIKËS SË MBROJTJES (SAFEGUARDING)**

- 1.** Të gjitha klubet, trajnerët, lojtarët/et, zyrtarët e ndeshjeve dhe personat tjerë të përfshirë në garat e kategorive të reja janë të obliguar të respektojnë dhe zbatojnë në tërësi Politikën e Mbrojtjes së FBK-së, duke përfshirë edhe udhëzuesit, shtojcat dhe materialet përkatëse të përcjella (formularët, kodet etj.), të cilat ofrojnë udhëzime praktike për krijimin e një mjedisi të sigurt, gjithëpërfshirës dhe zhvillues për fëmijët.
- 2.** Klubeve u rekomandohet që të familjarizohen me kujdes me materialet përkatëse, duke i përdorur si mjete mbështetëse për të forcuar përkujdesjen ndaj fëmijëve dhe për të parandaluar çdo formë abuzimi, neglizhimi apo sjelljeje të papërshtatshme. Kjo përfshin respektimin e udhëzuesve praktikë (si 'Udhëzues për përdorimin e sigurt të tualeteve dhe dhomave të veshjes' dhe 'Udhëzues për hetimin e incidenteve & shqetësimeve të mbrojtjes') dhe ndjekjen e procedurave më të sigurta të rekrutimit dhe përzgjedhjes.
- 3.** Klubi duhet të sigurohet që stafi përkatës të ketë ndjekur trajnime mbi mbrojtjen e fëmijëve dhe të jetë në përputhje me kërkesat për t'u trajnuar, siç përcaktohet në Politikën e Mbrojtjes.



4. Çdo masë dhe veprim i marrë në zbatim të këtyre dokumenteve ka për synim të mbrojtë mirëqenien, sigurinë dhe zhvillimin e fëmijëve që marrin pjesë në garat e FBK-së. Në rastet e dyshimeve për shkelje të politikave të mbrojtjes, rastet trajtohen sipas procedurës së përcaktuar nga FBK, pa paragjykuar masat disiplinore të parashikuara me këto Propozicione.

### ENI 33. DISPOZITAT PËRFUNDIMTARE

1. Propozicionet e garave i miraton Bordi i FBK-së në propozim të Komisarit të Garave dhe ndryshimet/plotësimet e këtyre Propozicioneve miratohen sipas procedurës së njëjtë të aprovimit të tyre.
2. Në raste të shfaqjes së fuqisë madhore, përfshirë mes tjerash fatkeqësitë natyrore, epidemitë dhe pandemitë, gjendjen e jashtëzakonshme të shprehur apo të nënkuptuar, si dhe çfarëdo situatë të ngjashme që rezulton me nevojën për të ndërprerë garat, Bordi i FBK-së mund të bëjë ndryshimin emergjent të këtyre Propozicioneve të Garave dhe sistemit të garave, duke interpretuar situatën e krijuar dhe vendosur në baza meritorë për pezullimin, ndërprerjen e plotë, ndërprerjen e pjesshme, ri programimin e garave, anulimin e tërësishëm të stinorit, apo ri përcaktimin e kalendarit të garave apo terminëve të zhvillimit të ndeshjeve, përfshirë edhe marrjen e vendimit për shpalljen e renditjes përfundimtare për secilin nivel të garave dhe ngritjen apo rënien nga niveli i garave.
3. Interpretimin e këtyre Propozicioneve e jep Bordi i FBK-së, i cili mund ta ushtrojë këtë kompetencë drejtpërdrejt ose ta delegojë për zbatim te Komisioni i Garave.
4. Këto Propozicione të garave hyjnë në fuqi me miratimin e tyre nga ana e Bordit të FBK-së dhe do të zbatohen për edicionin garues 2026/2027.

Arben **FETAHU**

Kryetar

Federata e Basketbollit të Kosovës  
Prishtinë, 02.09.2026

